

金石萃編

第三函  
五冊

金石萃編卷三十七

賜進士出身 誥授光祿大夫刑部右侍郎加七級手誥誤

周二

華嶽頌

碑連額高一丈一尺九寸廣四尺六寸二十行行五十五字隸書額題西嶽華山神廟之碑八字篆書今在華陰縣西嶽廟

易不云乎天險不可陟地險山川丘陵險

之皆義大矣哉惟華山者迄書介雅謂之

西嶽周官則爲隰州之鎮下枕周秦之郊

上應東井之宿俯臨汾財咫尺形梁盟結

截薛刻峭崢嶸千雲漢而孤秀屬江河而  
峻跼巨壘䟽壑亢高掌於巖端削成壁立  
流黃河於峴曲左分庑柱見朝夕之揚波  
右綴終南眺連山之無極顯仁藏用蘊智  
含靈鼓以雲雷潤以風雨信羣帝之所沐  
憩衆神之所盼轡芝駕自此不歸霓裳於  
焉屢拂豈止續羽爲衣萐荷成蓋化同毛  
女容類園公每挹漣人之漿皆亭酒母之  
騎坐石口而穿陷乘白鹿以遊嬉寥宗忽  
恍往而不反者也至如芳季華月零鍛雲

開谷色得一河經千里簞葦嘒紫微艇  
高峯於天漢輒駐羲和之口能挂恒娥之  
驂積醴成池泓澄巒岫聚卉爲綏藿葦生  
焉庭鱸交萃必歸伯起之學苦霧晨興北  
獨公超之市若廼柴類方明之壇望僊集  
靈之觀休牛散馬之地反璧祖龍之辭有  
祈必感無請不遂保乂我金方裁成我三  
海振素祗以統億兆肅秋節以衛蒼生國  
荷其慶民賴其福前代曾創祠宇兼植栢  
樹歷季茲多懷棟芻禰樹亦往往殘缺



大祖文皇帝固天波誕誕膺符命道邁三  
分功超九合將欲盛一區寓納之仁壽而  
餘粟尚梗燕趙未并治戎河上走圖廓掃  
每以講閱之暇口履陰晉眷言舊所良用  
侃然以大統十季歲在旂蒙乃謁諸天子  
命車騎大將軍儀同三司西兗州大中正  
華山郡守城陽縣開國公恒農楊子昕經  
始繡構別更列桓青松二千餘根堂廟顯  
敞房廊蕭穆於茲薜席赫矣神居桂酒徐  
斟清哥緩節無復霑濡之事豈有顛沛之

爲兄弟庶子孫承其餘論有益義方文帝歎異者久之賜瑾姓万紐于氏又云封姑臧縣子以平江陵功進爵爲公而不言臨淄者史闕也李昶樂運傳並云臨淄公唐瑾 趙文深字德本少學楷隸雅有鍾王之則筆勢可觀當時碑榜唯文深及冀儁而已太祖以隸書紕繆命文深與黎景熙沈遐等依說文及字林刊定六體成一萬餘言行於世及平江陵之後王褒入關貴遊等翕然竝學褒書文深之書遂被遐棄文深慙恨形於言色後知好尚難反亦攻習褒書然竟無所成轉被譏議謂之學步邯鄲焉至於碑榜餘

人猶莫之逮王褒亦每推先之宮殿樓閣皆其迹也  
其書歷官與此碑悉同又達奚武傳武之在同州  
也時屬天旱高祖勅武祀華嶽嶽廟舊在山下當所  
祈禱武謂僚屬曰吾備位三公不能變理陰陽遂使  
盛農之月久絕甘雨天子勞心百姓惶懼忝寄旣重  
憂責實深不可同於衆人在常祀之所心須登峰展  
誠尋其靈奧嶽旣高峻千仞壁立巖路嶮絕人跡罕  
通武年踰六十唯將數人攀藤援枝然後得上於是  
稽首祈請陳百姓懇誠晚不得還卽於嶽上藉茅而  
宿夢見一白衣人來執武手曰快辛苦甚相嘉尚武

遂驚覺益用祇肅至旦雲霧四起俄而澍雨遠近霑  
洽高祖聞之璽書勞武賜雜綵百匹按武以保定三  
年出爲同州刺史天和三年轉太傅則此碑正其在  
州時立也

後周改華州爲同州金石文字記

周制封郡縣五等爵者皆加開國授大將軍開府儀  
同者並加使持節大都督其曰司宗者武帝保定四  
年更禮部稱司宗也複姓古有之三字姓始于代北  
魏書官氏志載有勿忸于氏紐作忸勿疑万字之譌  
賜此姓者洛陽則于謹猗氏則樊深匪特唐瑾也

曝書

亭集



右碑万紐于瑾造趙文淵字德本書自隋以前書  
一人用官階者始于此碑然猶書在年月之後万紐于  
山名也在陰山之北見于烈碑烈之遠祖居于山下  
遂以爲姓魏孝文賜改于氏至周而復也太師大冢  
宰晉國公者字文護也護爲武帝之兄故曰任屬阿  
衡親惟旦奭也瑾爲司宗中大夫兼內史文深爲縣  
伯下大夫與此碑小異

金石  
後錄

此碑完好無一磨泐在岳廟五鳳樓內甬道東此文  
刻石之北而唐開元劉升所書精享文反刻石之南  
面何也顏魯公謁岳記卽刻此石之西側東側乃賈

竦并諸題咏在焉

來齋金石  
刻考略

右後周華嶽頌金石文字記云余所見碑換人書八  
列名者始此予按漢建寧五年李翕郿閣頌已列書  
換人名矣顧以爲始于此碑者非也又碑云以大統  
七年歲在旒蒙按魏大統七年卽梁大同七年是年  
歲在辛酉爾雅歲在乙曰旒蒙辛曰重光酉曰作噩  
此碑作于天和二年上去大統七年二十七年蓋誤  
記爾雅歲陽也又書旒與旒字無異 旒卽升字易  
坎卦本作升集韻旒同升六書索隱攷古尚書虞字  
形卽荆字荆梁之荆本從刑碑變從形易鼎九四其

形劇鄭虞並作刑漢高彪碑形不妄濫孫叔敖碑因  
埋掩其刑刑形二字古蓋通用故荆亦或從形恒娥  
卽姁娥清哥卽清歌無壘卽無疆史記晉世家出壘  
乃免沈漸卽沈潛左傳文五年沈漸剛克康疑康字  
旻疑秩字萬紐子三字姓源出北魏萬讀若萬金  
石錄金石史遂書爲萬紐子非是

金石存

周書唐瑾本傳瑾封姑臧縣子進爵臨淄伯論平江  
陵功進爵爲公子志寧撰瑾碑乃言封永昌子不及  
姑臧周書亦彼時所撰何兩異耶文稱太師大冢宰  
晉國公者宇文護也碑中旃蒙字作旻不解其義

字从彳作攴暇字从目作暇是書體徧旁之謬類如

此

關中金  
石記

右華嶽頌万紐于瑾撰趙文淵字德本書文淵稱奉

勅瑾不稱奉勅者碑文云爰詔史臣爲之頌則奉勅

可知也文淵書字而瑾不書字其義未曉周書唐瑾

傳不云加大都督趙文深

改淵避唐  
諱爲深

傳不云爲車騎

大將軍皆闕也朱錫鬯謂賜姓万紐于者洛陽則于

瑾猗氏則樊深非特唐瑾也按于瑾之先出自北方

居万紐于山因以爲氏魏孝文時改姓于氏凡代人

南遷者例稱河南洛陽人周書長孫儉長孫紹遠斛



斯徵元定元偉及于謹等皆稱河南洛陽人蓋以此  
也大統十五年詔諸代人太和中改姓者並令復舊  
故于謹仍稱万紐于氏非漢人賜姓者比而錫鬯儕  
之唐瑾樊深誤矣碑文云大統七年歲在旒蒙旒蒙  
當與旒蒙同稽之通鑑實辛酉歲爾雅歲在辛曰重  
光非旒蒙瑾豈別有所据耶碑引易天險不可升作

旒字

潛研堂金石文跋尾

按碑是趙文淵書其云万紐于瑾造此文者出自  
書人所題故不書其字而文淵以能書自負故并  
其字書之也傳稱瑾由吏部中大夫御正納言內

史中大夫曾未十旬遂遷四職久之除司宗中大  
夫兼內史尋卒于位趙文深以題榜功除趙興郡  
守後以疾卒則是撰文書碑之後皆未久而卒矣  
恒農楊子昕官車騎大將軍儀同三司西兗州大  
中正華山郡守城陽縣開國公不爲不顯而北史  
魏書皆無傳猶賴此碑以傳其姓名爵里亦幸矣  
李男香等造像記

象三面刻高九寸左右兩面各橫廣二尺七寸十  
行一十一行正面橫廣一尺九寸四分十行行皆五  
字記六行行十字九字十  
餘字不等正書在涇陽縣

天和二年歲次丁亥合邑口人等口唯識達口口師口

經教□□□心□□大口爲□□衆生造□象一副

養□□□

天地

邑子李男香

邑子張隴妃

邑子邵女□

邑子剗香□

邑子張男續

邑子張洸女

邑子高□香

邑子王滕蠻

邑子孫和妃

比丘惠勝

以上并記爲一面

□□□女貴

邑子王□□

邑子田□□

邑子□□□

邑子孫合口

邑子孫口口

邑子口口口

口夫口保口

典坐高羅元

典錄馬口口

口口口口妃

以上一面

天口長剗相妃

都唯肥楊景

典錄陽堂

典坐杜和女

香火胡鳳姿

邑子張和姬

邑子張口嘆

邑子張洛容

邑子蕭季姜

口子馬洪好



邑子口阿姿

邑子口阿朱

以上一面

張祥造像記

記刻座上刻記處橫廣八寸七分高四寸九行行四字五字不等正書

天和三年四月八日佛弟子張祥爲七世父母所生父母曰緣眷屬造釋伽牟尼像一區等成正覺

裴鴻碑

碑高六尺一寸廣三尺四寸二十九行字數不計隸書額題周故開府高邑侯裴史君之碑篆書陽文

上之碑

上君諱鴻河東聞喜人也口河南脫履志